



18 54

Broj: 13-05-326
Sarajevo, 05.01.2015.godine

06-01-2016

SKUPŠTINA KANTONA SARAJEVO
G-đa. Ana Babić, predsjedateljica

Predmet: Odgovor na zastupničko pitanje zastupnika Zvonke Marića u vezi sa legitimitetom i legalitetom Sindikata osnovnog obrazovanja u Kantonu Sarajevo - dostavlja se

Zastupnik Zvonko Marić je na devetoj sjednici Skupštine Kantona Sarajevo, održanoj 21.12.2015.godine, u okviru tačke dnevnog reda: "Zastupnička pitanja, inicijative i odgovori" postavio zastupničko pitanje:

"Budući da nejasnoće koje se stalno ponavljaju oko legaliteta i legitimiteta Sindikata osnovnog obrazovanja u Kantonu Sarajevo, molim resorno ministarstvo u saradnji sa Ministarstvom za rad, socijalnu politiku, raseljena lica i izbjeglice i naravno uz konsultacije sa Ministarstvom pravde i uprave da se definitivno razrješe dileme ko je, i na osnovu čega socijalni partner u pregovorima sa Vladom Kantona Sarajevo?"

Također, pitao sam da li je princip reprezentativnosti odnosno brojnosti, pravna kategorija i pravni argument. Razrješavanjem ovih nejasnoća sigurno da bi bio rasterećen i obrazovni sistem i da bi se razjasnilo ko zapravo predstavlja interese prosvjetara".

Na postavljeno pitanje, iz okvira nadležnosti Ministarstva za rad, socijalnu politiku, raseljena lica i izbjeglice Kantona Sarajevo, dajemo odgovor kako slijedi:

Institut reprezentativnosti sindikata i udruženja poslodavaca se u naš pravni sistem uvodi 2015.godine donošenjem Zakona o radu ("Službene novine Federacije Bosne i Hercegovine", broj: 62/15).

Prema navedenom zakonu Ministarstvo za rad, socijalnu politiku, raseljena lica i izbjeglice Kantona Sarajevo je, između ostalog, nadležno za utvrđivanje reprezentativnosti sindikata za područje djelatnosti (grani) za područje Kantona Sarajevo.

Po tom osnovu ovom ministarstvu su se obratila dva sindikata iz djelatnosti osnovnog obrazovanja i odgoja i to:



1. Savez samostalnih sindikata Bosne i Hercegovine-Samostalni sindikat osnovnog obrazovanja i odgoja FBiH-Kantonalni odbor SSOOiO Kantona Sarajevo i
2. Udruženje Samostalni sindikat osnovnog obrazovanja i odgoja Kantona Sarajevo

S obzirom da je Zakonom o radu propisano da se prilikom utvrđivanja reprezentativnosti sindikata/udruženja poslodavaca primjenjuje Zakon o upravnom postupku, navedeni zahtjevi se trenutno nalaze u postupku rješavanja odnosno pribavljanja dokaza i utvrđivanja činjenica koje su od važnosti za donošenje zakonitog i pravilnog rješenja - što u osnovi znači da se do sada ni jednom od navedenih sindikata nije utvrdila reprezentativnost.

Što se tiče uslova za utvrđivanje reprezentativnosti sindikata za područje djelatnosti u kantonu reprezentativnim sindikatom se u skladu sa članovima 122. i 124. Zakona o radu smatra sindikat:

- a. ako je registrovan kod nadležnog organa. u skladu sa zakonom;
- b. ako se finansira pretežno iz članarina i drugih vlastitih izvora;
- c. ako ima najmanje 30% članova od ukupnog broja zaposlenih u području djelatnosti na području kantona.

Navedeni uslovi su propisani kumulativno, s tim da je članom 127. navedenog zakona propisano da ukoliko nijedan sindikat ne ispunjava uslov u pogledu procenta broja članova u odnosu na ukupan broj zaposlenih, reprezentativnim sindikatom smatra se sindikat sa najvećim brojem učlanjenih od ukupnog broja zaposlenih.

Nadalje, prema članu 131. stav (1) točka b. Zakona o radu samo reprezentativni sindikat može kolektivno pregovarati i zaključivati kolektivne ugovore.

Pripremio: M. Dedović
Kontrolisala: E. Demić



Dostaviti:

- Naslovu,
- Ministarstvo za obrazovanje, nauku i mlade,
- Ministarstvo pravde i uprave,
- a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića I

